

# Digwyddiadau Rhestredig

Rownd Derfynol Cwpan Her Rygbi'r  
Gynghrair 2024-26

## Ymgynghoriad

Cyhoeddwyd 8 Ebrill 2024

Dyddiad olaf ar gyfer derbyn ymatebion: 6 Mai 2024

# Cynnwys

---

## Adran

|   |   |
|---|---|
| 1. Trosolwg .....   | 3 |
| 2. Rownd Derfynol Cwpan Her Rygbi'r Gynghair 2024-26..... | 4 |

## Atodiad

|   |    |
|---|----|
| A1. Ymateb i'r ymgynghoriad hwn.....            | 6  |
| A2. Egwyddorion Ofcom ar gyfer ymgynghori ..... | 9  |
| Dalen gyflwyno'r ymgynghoriad .....             | 10 |

# 1. Trosolwg

## Beth rydym yn ymgynghori yn ei gylch

Mae Ofcom wedi cael cais gan y BBC am ganiatâd i ddarlledu darpariaeth fyw egsgliwsif o Rownd Derfynol Cwpan Her Rygbi'r Gynghrair yn 2024, 2025 a 2026 ("y Rowndiau Terfynol"). Mae Rownd Derfynol 2024 yn cael ei chynnal ddydd Sadwrn 8 Mehefin 2024.

Mae Rownd Derfynol Cwpan Her Rygbi'r Gynghrair wedi'i dynodi'n ddigwyddiad rhestredig Grŵp A at ddibenion Deddf Darlledu 1996. O dan y Ddeddf, rhaid cael caniatâd Ofcom er mwyn dangos y digwyddiadau rhestredig yn fyw ac yn ecsgliwsif.

Mae Ofcom yn bwriadu rhoi'r caniatâd hwn dros dro ar gyfer Rowndiau Terfynol 2024, 2025 a 2026, yn amodol ar ystyried unrhyw sylwadau a ddaw i law mewn ymateb i'r ymgynghoriad hwn.

# 2. Rownd Derfynol Cwpan Her Rygbi'r Gynghrair 2024–26

## Cefndir

---

- 2.1 Mae Ofcom wedi cael cais gan y BBC am ganiatâd i ddarlledu darpariaeth fyw egsgliwsif o Rownd Derfynol Cwpan Her Rygbi'r Gynghrair yn 2024, 2025 a 2026 ("y Rowndiau Terfynol"). Bydd Rownd Derfynol 2024 yn cael ei chynnal ddydd Sadwrn 8 Mehefin 2024. Nid yw dyddiadau'r Rownd Derfynol ar gyfer 2025 a 2026 wedi cael eu cadarnhau eto.
- 2.2 Mae Rownd Derfynol Cwpan Rygbi Her Rygbi'r Gynghrair wedi'i dynodi'n ddigwyddiad rhestredig Grŵp A. O dan Ddeddf Darlledu 1996, rhaid cael caniatâd Ofcom er mwyn dangos y digwyddiadau rhestredig yn fyw ac yn ecsgliwsif.

## Y ddarpariaeth arfaethedig

---

- 2.3 Mae'r BBC yn bwriadu darlledu darpariaeth fyw lawn o Rowndiau Terfynol 2024, 2025 a 2026 ar BBC One neu BBC Two.
- 2.4 Nododd y BBC ei fod hefyd wedi cael yr hawliau i ddarlledu darpariaeth radio byw.

## Caffael hawliau

---

- 2.5 Mae Ofcom yn asesu ceisiadau am ganiatâd i ddarlledu darllediadau byw o ddigwyddiadau rhestredig ar y sail a nodir yn ein [Cod ar Chwaraeon a Digwyddiadau Rhestredig a Dynodedig Eraill](#) ("y Cod"). Wrth benderfynu a ddylid rhoi caniatâd, bydd Ofcom eisieu gweld bod darlledwyr wedi cael cyfle gwirioneddol i gaffael yr hawliau ar delerau teg a rhesymol.<sup>1</sup>
- 2.6 Er mai'r BBC yw'r unig ddarlledwr sydd â hawliau i ddarlledu darpariaeth fyw o'r Rowndiau Terfynol ar hyn o bryd, mae'n egluro nad oes ganddo hawliau ecsgliwsif a bod RL Commercial Rygbi'r Gynghrair wedi cadw'r hawl i drwyddedu hawliau byw'r Rowndiau Terfynol i ddarlledwyr eraill.
- 2.7 Mae RL Commercial wedi cadarnhau bod yr hawliau byw i'r Rowndiau Terfynol wedi cael eu marchnata i nifer o ddarpar ddarlledwyr, gan gynnwys gwasanaethau 'nad ydynt yn gymwys' at ddibenion y Ddeddf, ar yr un pryd ag y cawsant eu marchnata i'r BBC, fel rhan o becyn hawliau i ddarlledu gemau Rygbi'r Gynghrair. Mae gan y BBC hawliau i ddarlledu Cwpan Her Rygbi'r Gynghrair (gan gynnwys y Rownd Derfynol) ar gyfer 2024, 2025 a 2026, yn ogystal â gemau eraill Rygbi'r Gynghrair.<sup>2</sup>

---

<sup>1</sup> Gweler paragraffau 1.13-1.17 y Cod.

<sup>2</sup> ['BBC Sport secures historic Super League TV rights deal and expands Challenge Cup Digital Offering'](#), Rygbi'r Gynghrair, Chwefror 2024.

## Cynnig i roi caniatâd

---

- 2.8 Ar sail y wybodaeth a ddarparwyd gan y BBC a RL Commercial, ein barn dros dro yw bod darlledwyr gwasanaethau cymwys a heb fod yn gymwys wedi cael cyfle i gaffael yr hawliau i ddarlledu'r Rowndiau Terfynol yn fyw ar delerau teg a rhesymol. Gan nad yw hawliau'r BBC yn ecsgliwsif, rydym yn nodi ei bod yn dal yn bosibl i ddarlledwr arall gaffael hawliau i'r Rowndiau Terfynol.
- 2.9 Rydym hefyd yn nodi y byddai cynlluniau BBC yn sicrhau darpariaeth lawn a byw, am ddim, o Rowndiau Terfynol 2024, 2025 a 2026.
- 2.10 Felly, mae Ofcom yn bwriadu rhoi caniatâd dros dro i BBC ddarlledu'r Rowndiau Terfynol, yn amodol ar ystyried unrhyw sylwadau a ddaw i law gan bartïon â diddordeb.<sup>3</sup>

## Ymateb i'r ymgynghoriad hwn

---

- 2.11 Os ydych yn dymuno cyflwyno unrhyw sylwadau am gais BBC am ganiatâd, dylech anfon y rhain i Ofcom, drwy e-bost at [listedevents@ofcom.org.uk](mailto:listedevents@ofcom.org.uk) erbyn 5pm ar 6 Mai 2024 fan bellaf. Mae rhagor o fanylion am ymateb i'r ymgynghoriad hwn ar gael yn yr atodiadau.

---

<sup>3</sup> Nid ydym o'r farn ei bod yn angenrheidiol cynnal asesiad o'r effaith neu asesiad o'r effaith ar gydraddoldeb mewn perthynas â'r cynnig hwn, gan ei fod yn dod o fewn y senario a nodir ym mharagraff 3.6(b) ein canllawiau asesu effaith (a gyhoeddwyd ar 19 Gorffennaf 2023). Gweler hefyd baragraff 3.19 o'r canllawiau hynny mewn perthynas ag asesiadau o'r effaith ar gydraddoldeb.

# A1. Ymateb i'r ymgynghoriad hwn

## Sut mae ymateb

---

- A1.1 Byddai Ofcom yn hoffi i chi gyflwyno eich safbwyntiau a'ch sylwadau ynghylch y materion sydd wedi'u nodi yn y ddogfen hon erbyn 5pm ar 6 Mai 2024.
- A1.2 Gallwch lwytho ffurflen ymateb i lawr yn <https://www.ofcom.org.uk/cymru/consultations-and-statements/category-3/rugby-league-challenge-cup-final-2024-26>. Gallwch ddychwelyd y ffurflen dros e-bost neu drwy'r post i'r cyfeiriad sydd ar y ffurflen ymateb.
- A1.3 Os yw eich ymateb yn ffeil fawr, neu os yw'n cynnwys siartiau, tablau neu ddata arall i'w gefnogi, a fydddech chi cystal â'i anfon dros e-bost i [listedevents@ofcom.org.uk](mailto:listedevents@ofcom.org.uk), fel atodiad mewn fformat Microsoft Word, ynghyd â'r ddalen gyflwyno.
- A1.4 Fel arall, gellir postio ymatebion i'r cyfeiriad isod, gan farcio teitl yr ymgynghoriad arnynt:
- Listed Events  
Ofcom  
Riverside House  
2A Southwark Bridge Road  
London SE1 9HA
- A1.5 Mae croeso i chi gyflwyno ymatebion mewn fformatau eraill heblaw mewn print, er enghraifft recordiad sain neu fideo mewn iaith Arwyddion Prydain. I ymateb drwy ddefnyddio iaith Arwyddion Prydain:
- > anfonwch recordiad ohonoch chi'n defnyddio'r iaith arwyddion i gyfleu eich ymateb. Ni ddylai'r recordiad bara am fwy na 5 munud. Dyma'r fformatau ffeil addas: ffeiliau DVD, wmv neu QuickTime; neu
  - > gwnewch fideo ohonoch chi'n defnyddio'r iaith arwyddion i gyfleu'ch ymateb, a'i lwytho yn syth i YouTube (neu safle cynnal arall), ac anfon y ddolen atom ni.
- A1.6 Byddwn yn cyhoeddi trawsgrifiad o unrhyw ymatebion sain neu fideo a gawn (oni bai fod eich ymateb yn gyfrinachol).
- A1.7 Nid oes angen copi papur o'ch ymateb arnom yn ogystal â fersiwn electronig. Byddwn yn cydnabod ein bod wedi derbyn ymateb a gyflwynir i ni dros e-bost.
- A1.8 Byddai'n ddefnyddiol hefyd petai modd i chi egluro pam eich bod yn arddel eich safbwyntiau, a beth rydych chi'n ei gredu fyddai effaith cynigion Ofcom. Rydym hefyd yn croesawu ymatebion ar y cyd.
- A1.9 Os ydych chi eisiau trafod y materion a'r cwestiynau sydd wedi cael eu codi yn yr ymgynghoriad hwn, cysylltwch â'r Tîm Trwyddedau Darlledu drwy anfon neges e-bost i [listedevents@ofcom.org.uk](mailto:listedevents@ofcom.org.uk).

## Cyfrinachedd

---

- A1.10 Mae ymgynghoriadau'n fwy effeithiol os ydym yn cyhoeddi'r ymatebion cyn i'r cyfnod ymgynghori gau. Gall hyn fod o gymorth i bobl a sefydliadau sy'n brin eu hadnoddau neu sydd ddim yn gyfarwydd iawn â'r materion dan sylw i ymateb yn fwy gwybodus. Felly, er mwyn bod yn dryloyw a sicrhau ymarfer rheoleiddio da, ac oherwydd ein bod ni'n credu ei bod yn bwysig bod pawb sydd â diddordeb mewn mater yn gallu gweld safbwyntiau ymatebwyr eraill, fel rheol byddwn yn cyhoeddi ymatebion ar wefan Ofcom yn rheolaidd yn ystod y cyfnod ymgynghori ac ar ôl iddo ddod i ben.
- A1.11 Os ydych chi'n meddwl y dylid cadw eich ymateb yn gyfrinachol, a fyddech chi cystal â nodi i ba ran(nau) mae hyn yn berthnasol, ac egluro pam. Anfonwch unrhyw adrannau cyfrinachol fel atodiad ar wahân. Os ydych am i'ch enw, eich cyfeiriad, manylion cyswllt eraill, neu deitl eich swydd aros yn gyfrinachol, rhowch y manylion hynny ar y ddalen gyflwyno'n unig, fel na fydd rhaid i ni olygu eich ymateb.
- A1.12 Os bydd rhywun yn gofyn i ni gadw ymateb cyfan neu ran ohono yn gyfrinachol, byddwn yn trin y cais hwn o ddifrif ac yn ceisio ei barchu. Ond weithiau bydd angen i ni gyhoeddi pob ymateb, gan gynnwys y rhai sydd wedi eu nodi'n rhai cyfrinachol, er mwyn bodloni rhwymedigaethau cyfreithiol.
- A1.13 Er mwyn cyflawni ein dyletswydd cyn datgelu, gallwn rannu copi o'ch ymateb ag adran berthnasol yn y llywodraeth cyn i ni ei gyhoeddi ar ein gwefan.
- A1.14 Sylwch hefyd y cymerir bod yr hawlfraint a phob eiddo deallusol arall sydd mewn ymatebion wedi'u rhoi o dan drwydded i Ofcom i'w defnyddio. Mae hawliau eiddo deallusol Ofcom yn cael eu hegluro ymhellach yn ein Telerau Defnyddio.

## Y camau nesaf

---

- A1.15 Ar ôl y cyfnod ymgynghori hwn, mae Ofcom yn bwriadu cyhoeddi datganiad yng Ngwanwyn 2024.
- A1.16 Gallwch chi gofrestru i gael diweddariadau post i roi gwybod i chi am gyhoeddiadau newydd Ofcom.

## Prosesau ymgynghori Ofcom

---

- A1.17 Mae Ofcom yn ceisio sicrhau ei bod mor hawdd â phosibl ymateb i ymgynghoriad. I gael rhagor o wybodaeth, edrychwch ar ein hegwyddorion ymgynghori yn Atodiad 2.
- A1.18 Os oes gennych chi unrhyw sylwadau neu awgrymiadau am y modd rydym yn rheoli ein hymgynghoriadau, anfonwch neges drwy'r e-bost atom yn [consult@ofcom.org.uk](mailto:consult@ofcom.org.uk). Rydym yn arbennig o falch o gael syniadau ynghylch sut gallai Ofcom fod yn fwy effeithiol wrth ofyn am farn grwpiau neu unigolion, fel busnesau bach a defnyddwyr preswyl, sy'n llai tebygol o roi eu barn drwy ymgynghoriad ffurfiol.
- A1.19 Os hoffech drafod y materion hyn, neu brosesau ymgynghori Ofcom yn gyffredinol, cysylltwch ag ysgrifennydd y gorfforaeth:
- A1.20 Corporation Secretary  
Ofcom

Riverside House  
2a Southwark Bridge Road  
London SE1 9HA  
Email: [corporationsecretary@ofcom.org.uk](mailto:corporationsecretary@ofcom.org.uk)



# A2. Egwyddorion Ofcom ar gyfer ymgynghori

Mae Ofcom yn dilyn saith egwyddor ar gyfer pob ymgynghoriad ysgrifenedig cyhoeddus:

## Cyn yr ymgynghoriad

---

A2.1 Os oes modd, byddwn yn cynnal sgysiau anffurfiol gyda phobl a chyrff cyn cyhoeddi ymgynghoriad mawr i gael gwybod a ydym yn meddwl yn y cyfeiriad iawn. Os nad oes gennym ddigon o amser i wneud hyn, byddwn yn cynnal cyfarfod agored i egluro ein cynigion yn fuan ar ôl cyhoeddi'r ymgynghoriad.

## Yn ystod yr ymgynghoriad

---

A2.2 Byddwn yn glir ynghylch pwy rydym yn ymgynghori â nhw, pam, ar ba gwestiynau ac am ba hyd.

A2.3 Byddwn yn gwneud y ddogfen ymgynghori'n un mor fyr ac mor syml ag y bo modd gyda throsolwg o ddim mwy na dwy dudalen. Byddwn yn ceisio ei gwneud mor hawdd â phosib i bobl roi ymateb ysgrifenedig i ni.

A2.4 Wrth bennu hyd y cyfnod ymgynghori, byddwn yn ystyried natur ein cynigion a'u heffaith bosibl. Byddwn bob amser yn nodi'n glir y dyddiad cau ar gyfer derbyn ymatebion.

A2.5 Bydd rhywun yn Ofcom yn gyfrifol am sicrhau ein bod yn dilyn ein canllawiau ein hunain ac yn ceisio cyrraedd y nifer fwyaf o bobl a sefydliadau sydd â diddordeb o bosib yng nghanlyniad ein penderfyniadau. Hyrwyddwr Ymgynghori Ofcom fydd y prif bwynt cyswllt os oes gennych farn am y modd rydym yn cynnal ein hymgynghoriadau.

A2.6 Os na fyddwn yn gallu dilyn unrhyw un o'r saith egwyddor hyn, byddwn yn egluro pam.

## Ar ôl yr ymgynghoriad

---

A2.7 Credwn ei bod yn bwysig bod pawb sydd â diddordeb mewn mater yn gallu gweld safbwyntiau pobl eraill. Felly, fel rheol, byddwn yn cyhoeddi'r ymatebion bob hyn a hyn yn ystod y cyfnod ymgynghori ac ar ôl iddo ddod i ben. Ar ôl yr ymgynghoriad, byddwn yn gwneud ein penderfyniadau ac yn cyhoeddi datganiad sy'n egluro beth fyddwn ni'n ei wneud, a pham, gan ddangos sut mae safbwyntiau ymatebwyr wedi helpu i siapio'r penderfyniadau hyn.

# Dalen gyflwyno'r ymgynghoriad

## Manylion sylfaenol

---

Teitl yr ymgynghoriad:

At (swyddog cyswllt yn Ofcom):

Enw'r ymatebydd:

Yn cynrychioli (eich hun neu sefydliad(au)):

Cyfeiriad (os na ddaeth i law drwy e-bost):

## Cyfrinachedd

---

Ticiwch isod i ddangos pa ran o'ch ymateb rydych yn ei hystyried yn gyfrinachol, a rhowch eich rhesymau am hynny

- > Dim
- > Enw/manylion cyswllt/teitl swydd
- > Ymateb cyfan
- > Sefydliad
- > Rhan o'r ymateb

Os ydych chi wedi dewis 'Rhan o'r ymateb', nodwch pa rannau:

-----

-----

Os ydych am i ran o'ch ymateb, eich enw neu eich sefydliad beidio â chael eu cyhoeddi, ydych chi'n fodlon i Ofcom gyhoeddi cyfeiriad at gynnwys eich ymateb (gan gynnwys, yn achos unrhyw rannau cyfrinachol, grynodedb cyffredinol na fydd yn datgelu'r wybodaeth benodol nac yn datgelu pwy ydych chi)?

Ydw       Nac ydw

## Datganiad

---

Rwyf yn cadarnhau bod yr ohebiaeth sydd wedi'i rhoi gyda'r ddalen gyflwyno hon yn ymateb ffurfiol i'r ymgynghoriad y gall Ofcom ei gyhoeddi. Fodd bynnag, wrth ddarparu'r ymateb hwn, rwyf yn deall ei bod yn bosib y bydd angen i Ofcom gyhoeddi'r holl ymatebion, gan gynnwys y rheini sydd wedi'u nodi'n gyfrinachol, er mwyn cyflawni rhwymedigaethau cyfreithiol. Os wyf wedi anfon fy ymateb drwy neges e-bost, gall Ofcom ddiystyru unrhyw destun e-bost safonol ynglŷn â pheidio â datgelu cynnwys ac atodiadau'r neges e-bost.

Mae Ofcom yn bwriadu cyhoeddi ymatebion yn rheolaidd yn ystod y cyfnod ymgynghori ac ar ôl iddo ddod i ben. Os yw'ch ymateb yn un nad yw'n gyfrinachol (yn gyfan gwbl neu'n rhannol), ac y byddai'n well gennych i ni beidio â chyhoeddi'ch ymateb nes bydd yr ymgynghoriad wedi dod i ben, ticiwch yma.

Enw

Llofnod (os darperir copi caled)